



Beqiёs  
isteъdod  
soхibi

3-саҳифала.



Синглим

4-саҳифала.



“Гар Адаб  
бермаса, ота  
дейилмас”

Кейинги сонларга

O'ZBEKISTON  
YOSHILAR  
ITTIFOGI



№ 71 (16376)

11-SENTABR, CHORSHANBA

O'zbekiston yoshlar ittifoqining ijtimoiy-siyosiy, iqtisodiy, adabiy-badiiy gazetasi

Biz — kelajak bunyodkorimiz!

# YOSHILAR OVOZI

www.yoshlarovoz.uz yoshlarovoz@mail.uz @yoshlarovoz

## МАЪНАВИЯТ — ҚУДРАТЛИ КУЧ

### ЎЗБЕКИСТОНДА УЧИНЧИ РЕНЕССАНС ДАВРИГА ПОЙДЕВОР ҚУЙИЛДИ

Ўзбекистон Республикаси Президенти Шавкат Мирзиёев 10 сентябрь куни Тошкент шаҳрида иш бошлаган Президент мактабини бориб кўрди.

Давлатимиз раҳбари президентлик фаолиятининг дастлабки кунлариданоқ мамлакатимиз учун энг катта муаммо — бу бутун замон талабларига мос кадрлар етишмаслигини, барча соҳаларда инновацион ва креатив фикрлайдиган, илгор технологияларни ўзлаштирган мутахассисларга эҳтиёж жуда юқори эканини таъкидлаб келади.

Чунки мураккаб ўтиш даврида мактаблардаги таълим сифати пасайиб кетди, коллежларда давомат номига юргизилди. Ижод мактабларининг йўқлиги, маданият ўчоқлари, тўғараклар фаолиятига эътибор қаратилмагани бир қатор жиддий муаммоларни келтириб чиқарди. Ёшларимиз билимсиз бўлиб улғайди, айримлари ёмон йўللарга кириб кетди, баъзилари эса чет элларда сарсон-саргардон юрибди.

Шу боис, Шавкат Мирзиёев бу масалага ўз таълими ва дарди-дек қаради, юртимизнинг эртанги кунга замонавий кадрларга боғлиқ эканини алоҳида таъкидлаб, бунинг учун таълим тизimini тубдан тақомиллаштириш, ёшларни ватанпарварлик руҳида, юксак маънавият эгалари этиб тарбиялашни устувор вазифа сифатида ўртага қўйди.

Алломи 2-саҳифала.

Tahsil va talqin

### Ёшлар туризми учун шароит яратилмаган

1909 йилнинг ёзида олмонийлик ўқитувчи Ричард Ширман шоғирларини бир неча кунга тоғ ён бағрига саёхатга олиб чиқади. Қуюқ дарактор, мовий кўл, ястаниб ётган кенгликлар, турфа ўсимликлар ва табиат ажойиботлари ёш сайёҳлар кўнглига олам-олам завқ бағишлайди. Аммо кечурун момақалдирак гўмбурлаб, ёмғир қуя бошлади. Ялангликда дам олаётган ёш сайёҳлар ёмғирдан қочиб, яқин ўртадаги қишлоқ мактабига кирди. Ёмғир туни билан тинмайди. Ширман шоғирлари ухлаб олиши учун кулай шароит яратишга ҳаракат қилади. У ўшанда ўйлаб топган тур пардалар билан бир-бирдан ажратилган кичик ётоқхоналар гоёси кейинчалик бутун дунёга машҳур бўлиб кетди. Шу тариха Германияда ёшлар сайёҳлик уюшмаси юзага келади.

Уюшма ташкил этилганига бу йил 110 йил тўлди. Аини пайтда Германияда 556 та ёшлар туристик базаси мавжуд. Улар бир вақтда 75 мингдан зиёд ёш сайёҳни қабул қилади. Йиллик меҳмонлар сони тўрт миллион нафарни ташкил этади. Ёшлар меҳмонхонасида бир кеча тунаш нонушта билан бирга 16 еврога тусали. Меҳмонхоналар асосан тарихий биноларда, эски қаср ва қалъаларда жойлашган бўлиб, барча зарур шароитлар яратилган. Бу хориж тажрибаси. Хўш, юртимизда-чи?

Алломи 2-саҳифала.

Milliy tiklanishdan — milliy yuksalish sari

## БИЛИМСИЗ ЎЗИГА, МАЪНАВИЯТСИЗ ЭСА ХАЛҚИ, ВАТАНИГА ЗАРАР ЕТКАЗАДИ

Юксак маънавият ҳақида кўп эшитганимиз, такрор-такрор гапираимиз. Болаларимизни юксак маънавиятли этиб тарбиялашимиз керак, деймиз. Ҳа, фақат деймиз-у, аммо... натижа масаласида муаммага дуч келамиз. Чунки бугунги глобаллашув даври ёшлар тарбияси масаласини ҳам глобал муаммага айлантирди. Буни ҳал қилиш учун ҳар ким ўзича йўл тутмоқда.

Тарбия борасида кимдир “Олдин моддий ҳаёт, кейин маънавият” қабилда иш тутишни танлаган бўлса, яна кимдир бу масалани ўз ҳолига ташлаб қўя қолди. Оқибатда эса бутун жаҳон мактисада ёшларнинг маънавий дунёси салбий томонга ўзгара бошлади. Жуда кўплаб мамлакатлар учун маънавият ва уни асраш масаласи энг жиддий, энг долзарб муаммолигича қолмоқда.

Глобаллашувнинг таъсир доираси шу қадар кенги, у қамраб олмаган бирор-бир соҳа ёки йўналиш йўқ. У ҳатто тарбия масаласига ҳам таъсир кўрсатди. Илгари ҳам жисмонан, ҳам маънан етуқ, салоҳиятли авлодларни етиштиришга қодир бўлган халқлар ҳам бугун тарбия масаласида, ёшларнинг маънавий дунёси масаласида жиддий тўсиқларга дуч келяпти. Чунки улар ўзлари танлаган йўлдан адашди. Глобаллашув адаштирди уларни.

Хўш, Ўзбекистонда бу масала қандай ҳал қилинмоқда? Мамлакатимизда таълим ва тарбия уйғунлиги таъминлангани?

Ҳа, бу масала ҳуқуқий-меъёрий жиҳат-

дан мустаҳкамланган. “Таълим тўғрисида”ги қонуни ва Кадрлар тайёрлаш миллий дастури ҳамда маънавий-маърифий соҳани ривожлантиришга доир фармон ва қарорлар уни мустаҳкамлаган. Бироқ амалда қай даражада деган саволга жавоб беришимиз мумкин.

### МАЪНАВИЯТ ДАРАЖАСИНИ АНИҚЛАШ МУМКИН...МИ?

Юксак маънавият — энгилмас куч. Бу аксиома. Унинг ҳар бир сўзи тушунарли. Шундай бўлса-да, бу ҳақда қисқача тўхталиб ўтишни жоиз деб топдик.

Ўзбек тилининг изохли лугатида “юксак” сўзининг иккита: баланд, юқори; юқори даражадаги, олий каби маъноси мавжуд. Юксак маънавият бирикмасида айнан иккинчи маъно назарда тутилган. Яъни юқори даражадаги, олий мақомдаги маънавият деган маъно англанайди. Демак, маънавият инсонда турли хил даражада бўлар экан: паст, ўрта, юқори. Бу даражани қандай аниқлаш мумкин?

Bugunning mavzusi



### Уч баҳога ўқиганлар стипендия олмайди(ми?)

Олий таълим муассасаларида ўқиш учун тўлов-шартнома пули ҳамда талабалар стипендияси миқдорлари маълум бўлди. Бу ҳақда Ахборот ва оммавий коммуникациялар агентлигида Олий ва ўрта махсус таълим вазирлиги раҳбар ходимлари иштирокида ўтказилган матбуот анжуманида маълумот берилди.

Янги ўқув йили бошланганига қарамай, тўлов-шартнома пули ва талаба стипендиялари миқдори мавҳумлиги жамоатчилик ўртасида турли шов-шувларга сабаб бўлаётган эди. Ниҳоят, бу борада янги тартиб ишлаб чиқилди. Унга кўра, талабаларга тўловларни амалга оширишда қулайлик яратиш, олий таълимнинг ҳаммаболлигини таъминлаш мақсадида 2019-2020 ўқув йилидан бошлаб, тўлов-контракт қиймати миқдорлари икки хил кўринишда — стипендияли ва стипендиясиз этиб белгиланди. Шунингдек:

— барча (давлат гранти ва тўлов-контракт асосида ўқийдиган) талабаларга бир хил 400 минг сўм миқдорда стипендия белгиланди (давлат гранти асосида таълим олаётган битирувчи курс талабалари

учун аввалги — табақалаштирилган тизим саклаб қолинади);

— ОТМ ректорлари тавсияси билан биллими ва фаол талабаларни стипендиянинг 50 фоизи (200 минг сўм)гача миқдорда давлат бюджети ҳамда ўқув юртида ташкил этилган фонд ҳисобидан қўшимча рағбатлантириш тизими жорий қилинади;

— давлат гранти асосида тахсил олаётган талаба 30 фоиздан ортиқ фанларни 3 баҳога ўзлаштирса, унга кейинги семестрда стипендия берилмайди;

— Президент ва бошқа нуфузли стипендиялари олан талабалар учун стипендия миқдори ўзгармайди.

Стипендиясиз тўлов-контракт қиймати миқдорлари, ҳар ойлик талабага тўланиши белгиланаётган 400 минг сўм (бир йилда 4 миллион 800 минг сўм)ни чегириб ташлаш ҳисобига шакллантирилади. Тўловларни амалга оширишда энгиллик яратиш мақсадида контракт суммаларини ойма-ой бўлиб тўлаш имконияти берилди ҳамда олий таълим муассасалари ректорлари тўлов муддатларини узайтириш ваколатига эга бўлади.

Олий таълим муассасалари ходимларининг иш ҳақи, коммунал хизматлар тарифлари ва бошқа сақлаш харajatлари ошгани туфайли олий таълим муассасалари харajatлари даромадига нисбатан 74 фоизга ўсгани ва бошқалар инobatта олинди, тўлов-контракт қиймати 18 фоизга оширилди. — дейди вазир ўринбосари Сарвар Бузрукнов. — Бу миқдор бир талабанинг бир йиллик ўқиши учун зарур бўлган харajatнинг ўртача 68 фоизини қоплайди. Сиртки ва кечки таълим учун тўлов-шартнома пули миқдори 35-40 фоизга камайтирилди. Олдин 9 миллион сўмни ташкил этган бўлса, ҳозир 6 миллион 300 минг сўм этиб белгиланди.

Аммо “супер-контракт” нархлари хали тасдиқланмади. Маълумотларга кўра, стипендияли ва стипендиясиз тизим, тўлов-шартнома пулини иккита бўлиб тўлаш тартиби оширилган контракт асосида ўқийдиганлар учун ҳам жорий қилинади. Шу билан бирга, Марказий банкка “супер-контракт” тўлови учун таълим кредити лойиҳасини ишлаб чиқиш юзасидан топшириқ берилган.

Анжуман сўнггида мутасаддилар журналистларнинг саволларига жавоб қайтарди. Вазир ўринбосарининг айтишича, жамоатчилик фикридан келиб чиққан ҳолда, қатъийлаштирилган стипендия миқдори қайта кўриб чиқилиши мумкин.

Рўзиқул ОЧИЛОВ

Eshitdingizmi?

### “Ижодкор ёшлар клуби”



ЖИЗЗАХ вилоятидаги “Ёшлар инновацион маркази”да “Ижодкор ёшлар клуби” ташкил этилди. Клубга шу куннинг ўзида 100 нафар иқтидорли ёш ижодкор аъзо бўлди.

Учрашувда Ёзувчилар уюшмаси Жиззах вилояти масъул котиби Меҳрибон Абдураҳмонова иштирок этиб, клуб билан ҳамкорлик қилишга тайёрлигини билдирди.

Ёш шоирлар, расомлар ва талабалар театр студиялари фаолият олиб борадиган клубнинг мақсад ва вазифалари, келгусидаги режалари белгилаб олинди. Таъсис мажлиси ёш ижодкорлар томонидан ижро этилган куй-қўшиқларга уланиб кетди.

Элдор НАВРЎЗОВ

### Балиқчилик семинари

ХОРАЗМ вилоятидаги “Уммон” балиқчилик ҳўжалигида балиқ етиштиришнинг усулларига бағишланган семинар ташкил этилди.

Семинарда ёшлар иттифоқи Хоразм вилояти кенгаши, фермерлар кенгаши, соҳа мутахассислари, ёш фермерлар қатнашди. Иштирокчиларга замонавий балиқ етиштириш йўналишлари, соҳада интенсив технологияларни қўллаш, мавжуд табиий ва сунъий сув ҳавзаларида ҳосилдорликни оширишнинг илмий асослари, балиқ касалликларига қарши кураш ва уларнинг олдини олиш тадбирлари бўйича маълумотлар берилди.

Сумбулой НУРМЕТОВА

Anjuman

### Жаҳолатга қарши маърифат



Ўзбекистон Халқаро ислом академиясида “Жаҳолатга қарши маърифат” шиори остида “Давлат ва дин” мавзусида давра суҳбати ўтказилди. Унда Ахборот ва оммавий коммуникациялар агентлиги, Дин ишлари бўйича қўмита, Ўзбекистон мусулмонлари идораси, Таълим, фан ва маданият масалалари бўйича ислом ташкилоти, Республика “Оила” илмий-амалий тадқиқот маркази вакиллари, имомлар иштирок этиди. Тадбирда Ислом динининг тинчликпарварлик моҳияти ҳамда ислом динида мутаассиблик ва жаҳолатнинг қораланиши, “жаҳолатга қарши маърифат” билан курашиш гоёсининг ахамияти, экстремизм гоёлари таъсирига тушиб қолган, тўғри йўлдан адашган фуқароларни ижтимоий реабилитация қилиш каби долзарб масалалар таҳлил этилди.

Бундан ташқари, Халқаро ислом академияси тайёрлаган “Жаҳолатга қарши маърифат” ўқув қўлланмаси тақдими бўлиб ўтди. Мазкур қўлланмада миллатлараро товулик ва диний бағрикенгликнинг моҳияти, экстремизм ҳамда терроризмнинг салбий жиҳатлари акс этган.

— Тошкент шаҳрида диний рўйхатда турган шахслар ва уларнинг оила-аъзоси, қидирувда бўлган фуқаролар ва тижорий, сайёҳлик ҳамда бошқа мақсадларда хорижий давлатларга чиққан мусофирларнинг фикри, дунёқарабини ўрганиш мақсадида сўронома ўтказдик. — дейди Тошкент шаҳар Ички ишлар бош бошқармаси Терроризм ва экстремизмга қарши кураш бўлими масъул ходими Абдувоҳид Шуқуров. — 8 минг 370 нафар шахстан 3,2 фоизгача диний билимга эга эканини кўрсатди. Бу халқимизнинг диний билими пастлигини аналатади. Етарли илмга эга бўлмаган шахслар турли хил террорчилик ва экстремистик оқимлар тузоғига тушмоқда.

Азим АХТАМОВ

Алломи 2-саҳифала.







Yoshlik ilohimi

Bobom yasab bergan arg'imchoqda uchayotib yerga gursillab yiqildim. Og'riq qanday bo'lishini birinchi marta his qildim. Oradan ko'p o'tmay uyimizga chaqaloq keldi. Menga atalgan e'tiborning yo'nalishi butunlay boshqa tarafga o'zgarib ketdi.

# SINGLIM



Vaqt o'tgach, qo'lidan tutganicha birga maktabga boradigan bo'ldi. Menga uni yetaklab yurish, ba'zida nimalarnidir o'rgatish (xuddi kattalar kabi) yoqardi. Axir o'zing ham ishonmaydigan gaplarga qarshingdagi odamning ishonib turishi va buni tasdiqlashi kimga ham yoqmaydi deysiz? Xullas, "osmonning qoqog'i bor" desam ham, "rost-danmi?" deya hayratlanadigan singlimning borligi menga ancha ma'qul bo'lib qolgandi.

bermagani uchun kampirni bisotimizdagi bor so'zlar bilan "siylab" uy-uyimizga tarqalidik. Yo'lida singlim uchun yana konfet sotib oldim. Sababi bunday kunlar hali ko'p bor takrorlanishini bilardim. Uyga kelsam, darvozadagi qulf haligacha osig'liq turganini ko'rib, u hali kelmaganini bildim. Imillab xayol surib kelayotgandir yoki qaysidir dugonasinikiga kirgan, deb o'ylab, kelganida boplab adabini berib qo'yishni niyat qildim.

## TEKIS YURISHNI EPLOLMAYOTGAN SINGLIM SINIQ JILMAYGANCHA MEN TOMONGA OQSOQLANIB KELARDI...

qat'iyatni berkitib olganiga yana bir bor amin bo'ldim. Ochiq'i, singlim kelib qutqargani meni ancha noquyil ahvolga soldi. Shuning uchun urishib berdim. — Sizni qo'yib yuborishi uchun tishladim-ku! — Boshqa unday qilma, tamom!.. Kunlarning birida darsdan so'ng singlimni yetaklab uyga borishdan ko'ra, do'stlarim bilan o'yin o'ynash maroqli tuyladi. Singlimga uyga ehtiyot bo'lib ketishini, buni hech kimga aytmagligini tayinladim, ertalab ayam bergan konfetni ko'lga tutqazishni ham unutmadim. Shu kuni o'yinimiz bir soatga ham yetmadi. To'pimiz maktab bilan devorqo'shni kampirning uyiga tushib, qaytib chiqmadi. To'pni

Katta yo'ldan o'tayotganda qo'limga mahkam siqib olingan singlimning halokatga uchragan, kichkinagina jussasi jarrohlik stolidi yotganini ko'z oldimga keltirib, qo'rqib ketdim. Bir hafta ichida bir marta ham shifoxonaga bormadim. Ko'zlariga qarolmasligimni bilardim. Vaqt o'tishini, uning butunlay sog'ayib, bo'lgan voqealar hammaning yodidan chiqib ketishini xohlardim. Bir hafta o'tgach, uyga ruxsat berishdi. Qancha urinsa-da, tekis yurishni eplolmayotgan singlim siniq jilmayganicha men tomonga oqsoqlanib kelardi...


Navro'za MAHAMADXO'JAEVA

### Mulohaza uchun mavzu

# BORLIQ NALAR DEDIRMAS...

Dasturxon boshida singlim xarxasha qildi: "Qotgan non yemayman, mastavani ham yomon ko'raman, yana shu ovqatmi?", deya kosani nari surdi. Bir burda non xontaxtadan gilamga tushdi. Buvijonim nonni darhol olib, ko'ziga surdi. So'ng:

— Borliq nalar dedirmas... Dahshatli urush yillari edi. Bug'doyimiz, oziq-ovqatlar frontga jo'natiardi. Dadam urushda. Onam va biz, to'rt bola, ochlikdan o'limasligimiz uchun bobom yong'irli kunda loy kechib, to'rt kilo tariq olib kelgani hamon ko'z oldimda turibdi. Oyim tariqi suva pishirib, amallab to'rt haftaga yetkazgan. Biz, qishloq bolalari, yalangoyoq navqon, ya'ni to'kilgan bug'doy boshqolarini terardik. Uch kun deganda bir xaltacha navqon to'pladim. Jonpo'lat brigadir ot bilan bostirib kelib, xaltamni olib ketdi. O'shanda yig'lagancha ammamnikiga keldim. U esa menga bir kosa navqon bergandi. Yo'qchilik qursin, bolam, biz ko'rdik, yetti pushtimiz ham u kunlarni aslo ko'rmasin. Och-nahor, sillasi qurigan qancha bolalar o'l, kunjara yeb, olmandan o'tgan, — deb ko'ziga yosh oldi.



BUVIMNING MAHZUN HIKoyalARINI TINGLAB, TINCH VA OSUDA KUNLARIMIZGA SHUKRONALIK HISSINI TUYAMAN.

Shunda qiziqib so'radim: "Katta bobom urushdan qaytgami, buvijon?". — Otam urushdan qaytib, kolxozda hisobchi bo'lib ishladi. Men 2-sinfda o'qirdim. U kishi ham dunyoviy, ham diniy ilmga ega edi. Bir kuni nozirlar uni

namoz ustida qo'lga olib, Toshkentga olib ketgan. Shu bo'yi otamni qayta ko'rmadik... Buvimning mahzun hikoyalari tinglab, tinch va osuda kunlarimizga shukronalik hissini tuyaman. Har ikki gapida "Allohga

shukr, yetkazganiga shukr", deb takrorlashining boisini anglangandek bo'laman. Olti yoshli singlim-ku hali yosh, oq-qorani ajratolmaydi. Biroq ko'pni ko'rgan, turmushning past-balandiga guvoh bo'lgan odamlarning mayda narsalardan noliyverishiga tushunmayman. — To'yimga falon ashulachi kelishini xohlagandim... Uf-f, hammasi chippakka chiqdi. — Quda tomonning orzu-havasi yo'q ekan, qilgan sarposini qarang. Shuning uchun qiz o'stirganmidim?! — Narxlar kundan kunga oshib ketyapti, rahbarlarining oddiy aholi bilan ishi yo'q. Shu ham hayot bo'ldi-yu. — Bolam o'qishga kirolmabdi, esiz umri kuydi. — Kunu tun ishlaysan, oylik kam. Ro'z'ordan ortolmayapman... Na issiqqa, na sovuqqa ko'namiz. To'y qilayotganimizga shukr qilmaymiz. "Qudachilik — ming yilchilik" ekanini unutmay. Aslida, to'rt muhamzim sog'ligini, taloto'plar ichida yashamayotganimiz baxt ekanini o'ylab ko'rmaymiz. Odam Ato jon kirishi bilan aksirib, "Al-hamdulillah!" degan ekan. Shukr aytish bizga Odam alhayhissalomdan meros. Ne'matning qadriga yetgan, yo'qchilikda sabr, boriga shukr qilgan inson aslo kam bo'lmaydi.

Dilnoza ATO

### Bilasizmi?

# MUZEYGA SOVG'ALAR

Temuriylar tarixi davlat muzeyi 1996 yil 18 oktyabrda Sohibqiron Amir Temur tavalludining 660 yilligi munosabati bilan bunyod etildi. Dastlab uning fondida 600 ta ashyo va ekspонат jamlangan bo'lsa, hozirgi kunda ularning soni 5 mingdan oshdi.



O'tgan yillar mobaynida muzey ekspozitsiyasi faxriy mehmonlar, shuningdek, fidoyi insonlarning tuh-falari, arxeologik tadqiqotlar natijasida aniqlangan topilmalar hisobiga yildan yilga ortib bormoqda. Muzey fondida temuriylar davriga oid ko'plab ashyo-

lar saqlanadi. Eron elchixonasidan Amir Temur va temuriylarning qo'shni davlat hukmdorlari bilan yozishmalari, Hindiston elchixonasidan bir nechta qo'lyozma sahfalaridan nuxsalar muzeyga hadya qilindi. Shuningdek, Turkiya, Pokiston, Malayziya, Qozog'iston, Rossiya, Gruzija va boshqa davlatlar delegatsiyalarining sovg'alari bilan yanada boyidi. Moziyogoh yigirma uch yillik faoliyati davomida davlat rahbarlarining

tashriflarini, jahonning turli davlatlaridan minglab mehmonlarni, turli delegatsiyalarni qabul qildi. Mingdan ortiq delegatsiya kutub olindi, bir qator ilmiy anjumanlar o'tkazildi. "Sovg'alar" ko'rgazmasida turli davlat rahbarlari va delegatsiyalari, faxriy mehmonlarining hadyalari jam bo'lgan. Xususan, Xitoy Xalq Respublikasidan kelgan delegatsiya sovg'a qilgan noyob ashyo va buyumlar ham ko'rgazma ko'rkiga ko'rk qo'shib turibdi.



Bir so'z bilan aytganda, yosh avlodga o'tmishimizni, ota-bobolarimizdan qolgan merosni namoyish etish, tarix, madaniyat va qadriyatlarimizni tushuntirish va ularga hurmatini oshirishda muzeylarimizning ahamiyati katta.

U.TOJIMHAMMEDOVA, Temuriylar tarixi davlat muzeyi xodimi

### Yurt posbonlari

# SENGA JONIM FIDO!

Bolaligimdan harbiy bo'lishni orzu qilardim. Ayniqsa, "Sardor" filmi tomosha qilib, sohaga qiziqishim yanada ortgan. Unda yurt posbonlarining odob-axloqi, Vatan tinchligi yo'lida o'zini ayamay xizmat qilishi turli rakursdan ochib berilgandi. Bugun bolalikdagi beg'ubor orzum ushalib, harbiy bo'ldim.

Mustaqillik — mamlakatning ichki va tashqi ishlarda boshqa davlatlarga qaram bo'lmagligidir. Istiqloq, Vatan. Mazkur tushunchalar go'yo tanamning bir bo'lagidek bo'lib qolgan. Mustaqil yurtda tug'ilib, hayot kechirishga hech narsa etmaydi. Buni faqat mustaqillikka erishgan, uning havosidan baharmand bo'lganlarigina yaxshi tushunadi. Mustaqillik haqida so'z borar ekan, shu yurtda yashayotgan har bir fuqaroning qalbidagi shodlik, faxr-itixor tuyg'ulari uyg'onadi. Jannatmakon O'zbekistonning dunyo hamjamiyatidagi mavqei yuksalib, shahar va qishloqlarimiz ko'rkam qiyofaga kirib borayotgani, mehnatkash xalqimiz bugundagi baxtiyor, ertasiga to'la ishonch ruhi bilan yashayotganini ko'rib quvonasan kishi.

Final bahsida T-72 B-3 tankini mahorat bilan boshqarib, manyovrlar bajarish, tekzor harakatlarni, turli murakkab to'siqlardan betalafot o'tish, belgilangan nishonlarni yo'q qilish bo'yicha jamoamiz yaxshi natijani qayd etdi. Yashil tankda harakatlanagan guruhimiz Vetnam, Kuba va Unganda jamoalaridan 17 daqiqa oldin, ya'ni 2 soat 7 daqiqayu 22 soniyada marraga birinchi yetib kelib, II divizionning mutlaq g'olibi bo'ldi. G'alabaga erishgan onlarimizni hozir ham quvonch bilan eslayman. Bu natijaga, avvalo, yurtimiz ishonchi va qo'llab-quvvatlashi madad bo'ldi.



Musobaqaga tayyorgarlikning birinchi bosqichi fevral, mart oylarida Toshkent harbiy okrugi Chirchiq poligonida bo'ldi. Aprel, may, iyun oylarida Markaziy harbiy okrugining "Forish" tog' poligonida o'tkazildi.

## VATANNI SEVISH — VATANPARVARLIK HAQIDA VA'ZONLIK QILISH EMAS, BALKI VATAN RAVNAQI YO'LIDA QILGAN ISHIMIZDIR.

gonida tinimsiz tayyorgarlik ko'rib, mahoratimizni yanada oshirdik. Kerakli moddiy texnik vositalar vaqtida yetkazib turilgani bois musobaqaga ko'ngildagidek tayyorlandik. Musobaqada ilk bor qatnashayotganimiz uchun o'tgan yillar davomida ishtirok etgan jamoalarimiz xatti-harakatlarini kuzatdik.

ham, mehr-oqibat ham faqat yurdoshlarimizga xos fazilatdir. Musobaqada faol ishtirok etganim munosib baholaniyb, muddatidan oldin mayor unvoni bilan taqdirlandim. Bu menga bildirilgan katta ishonchdir.

Vatanni sevish — vatanparvarlik haqida va'zxonlik qilish emas, balki Vatan ravnaqi yo'lida qilgan ishimizdir. Kelajakda Qurolli kuchlar akademiyasida o'qimoqchiman. O'z ustimda tinimsiz ishlash, rivojlangan davlatlarning harbiy tajribalarini o'rganib, milliy armiyamizning harbiy salohiyatini yanada oshirishga hissamni qo'shaman.

Muhriddin HOSHIMOV, Toshkent harbiy okrugi Tankchilar vzvodi komandiri, mayor

Tinchlik va osoyishtalarning ortida o'g'lonlarning mashaqqatli mehnati, fidoyi xizmati, kechani kecha, kunduzni kunduz demay chekkan zahmati turibdi. Ularni bir so'z bilan Vatan himoyachilari deymiz. Davlatimiz rahbarining tashabbusi bilan mudofaa tizimida amalga oshirilgan ishlohotlar natijasida qurolli kuchlarimizning jangovar shayligi, xalqaro maydondagi nufuzi ortib bormoqda. Xalqaro armiya musobaqalarida ishtirok etish, xorijlik tengdoshlarimiz bilan fikr va tajriba almashish imkoniyati yanada kengaymoqda. Jumladan, joriy yilda o'tkazilgan "ArMI — 2019" xalqaro o'yinlarida 39 ta davlatning 200 dan ortiq jamoasi qatorida O'zbekiston Mudofaa vazirligi harbiy xizmatchilari 14 ta yo'nalish bo'yicha faol ishtirok etdi. Bir vaqtning o'zida 13 ta mamlakatda o'tkazilgan musobaqalar qizg'in bahslarga boy bo'ldi. "Tank biatloni" musobaqasida bu yil ilk bor qatnashdik. Moskvadagi Alabino poligonida "Tank biatloni" II divizionining yakka tartibdagi poyga, yarim final bosqichlarida bor mahoratimizni namoyish qilib, finalga yo'llanmani qo'lga kiritdik.

OLY MAJLIS HUZURIDAGI JAMOAT FONDI "Jamiyatda yuksak ma'naviyatni va qonun ustuvorligini ta'minlashga ko'maklashish" mavzusida Davlat grantlari ajratish uchun tanlov E'OLON QILADI: Tanlovga nodavlat notijorat tashkilotlari, ommaviy axborot vositalari va fuqarolik jamiyati boshqa institutlarining quyidagi maqsadlari nazarda tutgan ijtimoiy ahamiyatga molik loyiha buyurtmanomallari qabul qilinadi: - O'zbekiston Respublikasi Konstitutsiyasining asosiy qoidalari, tamoyillari va maqsadlarini ochib berishga, qonun me'yori haqida bilimlar targ'ibotiga qaratilgan maxsus nashrlar, maqolalarni tayyorlash va chop etish; - aholi o'rtasida iste'molchilar huquqlarini himoya qilish to'g'risidagi qonun hujjatlarining mazmun-mohiyatini keng targ'ib qilishga, aholining huquqiy madaniyatini oshirishga ko'maklashish; - davlat hokimiyati va boshqaruv organlari faoliyatining ochiqligini ta'minlashda NNT faolligini oshirish, jamiyatdagi huquqiy madaniyatni shakllantirish, huquqiy ongni yuksaltirishga qaratilgan loyihalarni qo'llab-quvvatlash; - qonunlarning insonlar hayotiga real ta'sir darajasi va aholi bilan muloqotining yangi usullarini, qonunlarning ijtimoiy munosabatlarni bevosita tartibga solishdagi roli va ahamiyatini yuksaltirishda ijtimoiy sheriklikning innovatsion usullarini joriy etish; - sifatlil ijtimoiy xizmatlar ko'rsatish ko'lamlari kengaytirishga, aholining turmush darajasini yaxshilashga, mahallalar obodligini ta'minlashga ko'maklashish; - aholining ma'naviy-axloqiy, psixologik bilimlarini oshirish, oilada ijtimoiy-ma'naviy muhitni sog'lomlashtirish, jamiyatda sog'lom ma'naviy muhitni ta'minlashni qo'llab-quvvatlash; - keksa avlod vakillariga g'amxo'rlik ko'rsatish, har tomonlama qo'llab-quvvatlash, yoshi ulug' insonlarning jamiyatdagi o'rni va nufuzini oshirish, yoshlar tomonidan ularning hayotiy tajribalarini o'rganish, keksalarni hurmat qilishga, e'zozlash, g'amxo'rlik ko'rsatish tuyg'usini shakllantirishga ko'maklashish; - nogironligi bo'lgan shaxslarning huquqlarini, erkinliklarini, qonuniy manfaatlarini amalga oshirishda teng sharoitlar yaratish, hayot sifatini yaxshilash, mehnat faoliyatiga moslashtirishga yordam ko'rsatish; - yoshlarning xuquqlari, erkinliklari va qonuniy manfaatlarini himoya qilish, ularni milliy va umuminsoniy qadriyatlariga hurmat ruhida tarbiyalashga, fidoyilik tuyg'ularini qaror toptirishga ko'maklashish; - ayollar, bolalarning huquqlari va qonuniy manfaatlarini ta'minlash, ijtimoiy-ma'naviy qo'llab-quvvatlashda davlat organlari bilan ijtimoiy sheriklikni kuchaytirish; - voyaga yetmaganlar o'rtasida jino'yatchilikning oldini olish, ularning bo'sh vaqtlarini mazmunli o'tkazishga shart-sharoitlar yaratishga ko'maklashish; - odam savdosi, noqonuniy mehnat migratsiyasidan jabr ko'rgan aholiga tizimli profilaktik targ'ibot, tashviqot va reabilitatsiya chora-tadbirlarini amalga oshirishda jamoatchilik nazoratini ta'minlash; - Davlat granti tanlovida ishtirok etish uchun quyidagi hujjatlar topilishi etiladi: 1. Tashkilot rahbari tomonidan imzolangan va muhr bilan tasdiqlangan kuzatuv xali. 2. www.fundngo.uz veb-saytida joylashtirilgan shaklda to'ldirilgan davlat granti loyihasi uchun ariza. 3. Davlat ro'yxatidan o'tkazilgan Ustav (Nizomi) hamda guvohnomaning muhr bilan tasdiqlangan nusxasi. 4. Agar loyihani amalga oshirish litsenziyalanadigan faoliyatni talab qilsa, unda litsenziyaning nusxasi taqdim etiladi. 5. Manfaatdor davlat va yirik jamoat tashkilotlari bilan tuzilgan ijtimoiy sheriklik qo'shma rejalar iivoq qilinishi mumkin. Bitta loyiha uchun davlat granti miqdori — 30 million so'm gacha.

MUASSIS O'ZBEKISTON YOSHLAR ITTIFOQI MARKAZIY KENGASHI Gazeta O'zbekiston Matbuot va axborot agentligida 2017-yil 2-avgustda № 0242 raqami bilan qayta no'yxatdan o'tgan.

BOSH MUHARRIR Faxriddin KARIMOV TAHRIR HAY'ATI Mansur Bekmurodov, Begmat Ochilov, Madamin Safarov, Azim Mirzajonov, Mehriroz Abbosova, Ra'no Shodiyeva, Shodmonqul Salomov, Hamza Abdullayev — bosh muharrir o'rinbosari ("Yoshlar ovozi"), Irina Kochergina — bosh muharrir o'rinbosari ("Молодежь Узбекистана"), Javlon Vafoyev — mas'ul kotib ("Yoshlar ovozi"), Yelena Kalinina — mas'ul kotib ("Молодежь Узбекистана")

Navbatchi Sherzod MAHMUDOV Dizayner Xurshid ABDULLAYEV

Tahririyat manzili: 100083, Toshkent, Matbuotchilar ko'chasi, 32. Telefonlar: (71) 150-22-74, (71) 233-95-97, (71) 233-79-69 (faks)

"Sharq" nashriyot-matbaa aksiyadorlik kompaniyasi bosmaxonasida, A-2 formatda chop etildi. Hajmi — 2 bosma taboq. Korxonalar manzili: Buyuk Turon ko'chasi, 41. Indeks: 203, 3203 Bahosi kelishilgan narxda. Buyurtma G-913 Adadi — 3282. Bosilishga topshirish vaqti — 21.00 Topshirildi — 01.00 O'za yakuni — 00.30